

Akissarsianit il.il. akitsuutisiap Qallunaat Nunaanni pristali iluarsiiissutaasartuq tunngavigalugu iluarsiivigineqartartup atorunnaarsirtneqarnissaa pillugu Inatsisartut inatsisaat

§ 1. Kalaallit Nunaanni akissarsianut il.il. pristali Danmarkimi iluarsiiissutaasartuq, pristalip iluarsiiissutaasartup naatsorsorneqarnissaa pillugu inatsit, kingusinnerusukkut allannngortinneqartuq, tak. inatsimmik nalunaarut nr. 134 8. april 1980-imeersoq, turtngavigalugu akitsuutitut ingerlaavartumik iluarsiiisuteqartinneqartarnissaa 31. oktober 1986 isumaqatigiissutigineqarsimasunut aalajangersaavigineqarsimasunulluunniit tunngatillugu aaqqissuussinerit atorunnaassapput 1987-imi aprilimi kinguliinilu pristalit iluarsiiissutaasartut tunngavigalugit iluarsiiissutaasussat aallarnerfigalugit atortuulersumik.

§ 2. § 1-mi aalajangersakkat apeqqutaatinngit maannamutut tapit suliap suliarinerani aningaasartuutitut matussutissaasut maannamutut iluarsiiissuserneqartassapput akit maannamut atuuttut pillugit isumaqatigiissuteqarnermi aalajangersaanermiluunniit patsisaatinneqartutut annertussusilikkat aningaasartuutitut matussutaasinnaangorlugit.

§ 3. Inatsit nalunaarutigineqarnermigut atortuulerpoq.

§ 4. Inatsit akissarsiat il.il. Namminersornerullutik Oqartussani kommuneniluunniit atorfeqarnermi akissarsiarineqarsimasut, imaluunniit atorfeqarfinnit taakkunannga akissarsiaritineqarsimasut, imaluunniit Kalaallit Nunaanni namminersortuni atorfeqarnermi akissarsiarineqarsimasut iluarsiiissutaannuinaq atuuppoq.

§ 5. Inatsit qallunaat amerikamiullu illersornissamut tunngatillugu inissisimaaffigisaanni suliat, amerikamiut oqartussaasuinit naalagaaffeqatigiinnilu oqartussaasunit isumagineqartut naammassinissaannut atorfeqarnermi akissarsiat il.il. iluarsiiissutaannut atuutinngilaq.

Namminersornerullutik Oqartussat, ulloq 12. november

Jonathan Motzfeldt

/

Hans-Pavia Rosing

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut